

Merck vleissig auff.

Der schöne Lustgarten ist / da Adam vnd Eva inne gelegen vnd gewesen sein / ist das Gefesß oder Glas in vnserm Mercurial Wasser / darinn das Berck erslichen angefangen / Warum ; der Ursachen / denn von anfang des Bercks / als in der erschaffung des Adams vnd Eva / oder verstehe Mannes vnd Weibes Samen / oder vernimb / das es ist die Weisse vnd die Rothe / wie zuvor gesagt / Wiewol ich kund / Ich sage von anfang ein gleichnis der Elementen theilung Rectification auch wie darumb zu thun / wie es dann die Natur erfordere / Nun wird vnser Materia / als Adam vnd Eva durch das Materialische Feuer mit zimlicher vnd sanfter wärme erhalten / bey neben das die Element nach gleicher proportion ernehret / bis so lange ihre innerliche hitze wird vergleicht der entzündten Hoffard / so Eva oberkam / da sie den Apffel brach / Also verstehe / das die Wurzel nach forderung ihrer Natur verzehret / vñ in mancherley fremd wird auffgezogen ; Denn vnser Wasser vnd vnser Wurzel / welches letztlich ein ding ist / vnd wird / lieben sich miteinander wunderbarlichen / Dann erslichen die Weis vnd die Rothe zu volbringen / beschicht kein oberfluß weder in theilung noch zuthun der Elementen / dann wo vnser Wurzel mit wiederwertigkeit beschweret würde / so muß sie verderben / darumb ist dis der Lustgarten / darinnen Adam vnd Eva gewesen / denn es ist ihr begehrt alles geschehen / das sie berede haben.

Ich möchte aber gerne wissen / worumb der Engel Gottes Adam vnd Eva aus dem Paradies mit einem feurigen Schwert geschlagen hab / vnd in das Elend gewiesen ? Das wil ich dir sagen / vnd merck mit vleis darauff / Da Gott Adam vnd Eua zusammen vereiniget hat / ehe sie das Gebot vbertraten / segnet sie GOTT vnd sprach / mehret euch / vnd seid fruchtbar / vnd alle Fische / Vozel / vnd Bestien seind euch vnterthenig / Aber da sie / die Eva / durch Hoffart vnd Rath der E chlangen sich erhüb vnd vbertrat